

123

DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA *,

QUOD LIBETARIIS DISPUTATIONIBUS

manè discutienda in Scholis Medicorum, die Martis vigesimâ-quartâ
mensis Martii, anno Domini M. DCC. LXXVIII.

M. JACOBO-FRANCISCO DE VILLIERS,

Antiquo Regis exercituum Medico ordinario in Germaniâ, Regiæ Scholæ
Veterinariæ Medico, Doctore Medico Præsîde.

An qui Tumores deleri debent, Ferro potius quàm Cauterio potentiali, delendi?

I.



ROTUBERANT passim in corpore humano tumores, mole, figurâ, colore, duritiè, cæterisque adjunctis adeò dissimiles, ut, licet ad genus aliquod possint ut plurimum revocari, de specierum numero nondùm satis constet. Inter eos, complures universalibus modò particularibus remediis, sæpè utrisque, vel ad suppurationem, vel ad resolutionem feliciter perducuntur. Quæ si frustra tentata fuerint, superest, crudele quidem, at non semper rejiciendum præsidium. Ex ipso enim amaritudinis fonte surgit aliquid grati, sanitas nempe, quo dolores possint abundè simul & jucundè pensari. Consistit illud opus in Tumore auferendo, quod instrumento multiplici confici potest. Vel enim funiculis religatus Tumor, aut inermibus digitis prehensus convellitur: vel laqueo paulatim, ab imis radicibus, sic strangulatur, ut spontè post paucos dies decidat. Leniter etiam contorqueri potest ope forcipis, aut ignito ferro comburi. Duo sunt tandem vulgatoris usûs, Cauterium, quod aiunt, *Potentiale*, & Cultellus, quorum primo Tumores sensum consumuntur, altero, statim rescinduntur. In iis interim abolendis sunt multa, ad quæ nisi sedulò advertatur, opera erit, si non semper exitiosa, saltem aut difficilis, aut parùm fructuosa. Primò igitur quæ tolli debent ea tantummodò, at omninò tamen, tollantur. Cutis, quantum res sinit, post factam operationem, integra remaneat. Arteria aut vena insignis, si quæ vel incautè, vel necessariò aperta fuerit, confectum non fugiat. Tendines, nervi, membranæ ne molestè quoquomodò afficiantur. Quàm brevissimè fieri potest, pars affecta doleat. Ex Cauterio autem & ferro, alteri præferri debet alterum, quod supra memorata valet præstare.

* *Auctore M. BOUVART, Doctore Medico, anno 1738.*

CUINAM usui tot, inter operandum, astutia si quis scietur, in promptu responso est. Plurima, nempe, simul ex iis exurgere commoda, & arceri pericula. Enim verò si Tumor sic auferatur, ut nihil ex eo super sit, quod recidivæ metum incutiat, aut quoquomodo sit nociturum: nec interea cæterarum partium ulla lædatur quæ servari debent, scilicet curationem consequutoram esse satis elucescit. Deinde cutem non deleri parvi non est. Hoc pacto potest, intra paucos dies, cum furdo vulneris conlescere. Illud si præstari possit, præcaveatur suppuration, quæ si nimis copiosa fuerit, debilitatem summam affert, imò letalem sæpè *marasmus*, si sæpè, pressa, febre & inflammationem, si moderata & laudabilis, tardam curationem. Non est tamen sistendum ad: ò oportunitatem quoadquæ esse suppurationem, ut sæpè, absque novâ, prohiberi non possit. At nobis satis erit, si, nonnullis in casibus, utiliter prævertatur. His etiam addendum videtur cutem, cujus usus ignotus nemini, ubi semel subblata fuerit, arte nulli posse reparari. Num itaque rem levissimi momenti crederes, quòd, ipsâ deperdita, cicatrice, in plurimos menses protractâ, veluti præcario, vulnus obducatur? Præterea unum tantum contingere potest, ut reverâ non semel contigerit, arteriæ alicui scilicet, aut venæ insigni inflicti fuisse vulnus. Huic calamitati, promptâ ligaturâ, succurrendum. Sed quânam arte præsens adhibebitur auxilium, nisi instrumenti, inter operandum, delectu, cautum fuerit quominus apertum vas, intra circumfusâ carnes, citâ contractione, delitescat. Quod tendones & nervos spectat, nemo nescit eos sensu exquisitissimo esse donatos, ob eamque rationem faciliè admodum irritari. Levi de causâ dolorificè convelluntur, unde oriuntur tensio maxima, durities, longè circa partem affectam, quandòque abscessus periculosissimi, nisi citiùs delirio, convulsionibus, imò ipsâ gangrænâ supervenientibus, mors accita fuerit. Longioribus tandem doloribus hominem torquere inhumanum est, quem brevioribus sanare possis. Quæ ratio, si cuiquàm non ardeat, febrem, vigiliam, virium lapsum, solitas longiorum dolorum comites, consideret.

I Y I.

PLURES sunt Tumorum species, quàm ut singulas possimus describere, illud tantum monemus, de Tumoribus omnibus hic non agi. Permulti liquidem observantur à quibus non temperare manus nefandum esset, veluti quandò aut nervis, aut tendonibus hærent, aut vasibus majoribus, quarum partium summi discriminis foret vulneratio. Nec etiam deleri debent qui, longâ morâ, maximam in molem creverunt, nisi forte tenui pediculo, quod raro tamen occurrit, pendeant. Sunt è contra quos parùm sapienter intactos relinqueres. Tales sunt qui pondere nimio, situ inopportuno, partem aliquam valdè gravant, sicque organi alicujus ad vitam necessarij functionem interceptiunt. Non magis ignoscendum est iis à quibus timeri potest ne, lapsu temporis, in immensum augeantur, aut, pejorem induendo naturam, in ulcus mortiferum desinant. Ex hæc prolapsâ, instar omnium sint *Scirrhus*, *Cancer*, & præterea Tumores nonnulli qui, ratione materiæ quam continent, diversa sortiuntur nomina. Si ea nempe mel referat, *Melicerides*, *Atheromata* si purulenta, si sebaceum quid aut adiposum filamentis membranisque intertextum *Stætomata* nuncupantur. Hæc solâ ratione differunt. At illud inter se commune habent, quod singulorum materia, plerumque sacculo comprehendatur, qui sacculus nihil videtur esse quàm folliculus adiposus, præter naturam, valdè ampliatus. Hujusmodi verò sacculi quandòque sic indurantur, ut æmulentur corium duritiæ. *Scirrhus* est Tumor inæqualis, durus, renitens, indolens, per sæpè in glandulis, prægressâ plerumque inflammatione, nascens. Consistit autem in congerie quâdam abnormi atque intricatissimâ vasorum induratum, quæ, lymphâ inspissatâ, maximam partem, obturantur. Faciliè in Cancrum potest migrare, cum, pressione jugi, succis concretescentibus, vasculorum cavum omnino oppletur. Tunc circuitus sanguinis ibi penitus deficit, magis ac magis indurantur vasa, crescit Tumor atque exporrigitur in radices quæ ad corneam duritiem assurgunt. Pruritus sentitur molestus, dolorificus. Tandem se res habet, quandùm non ulceratus est *Cancer*. Sed

concretus humor laevem expanditur. Quâcumque autem de causâ, vehementiori fortè sanguinis impulsu, calorem concipiat turgescit in parte affectâ tantò majore æstu, quantò violentius compressus fuerit (1). Tunc non simplex dolor urget, sed cruciatus intolerabilis, quasi tractus ignis. Cutis superco rarefcente pressa nigrescit, corripiturque gangrænâ ac tandem sumptur. Hiat ulces sedum, marginibus extorsum versis, sanie tenui, erodente stillans, aspectu horrendum, cum, primis initiis, sub cute adhuc integrâ, ad digitorum nutum fluctuat, necdum, in partes subjacentes, altas radices egit. Tunc potest deleri sicut & Tumores præmemorati, quibus etiam possunt addi Ficus, Fungus, Polypus aliique quâmplurimi. Sed quæcumque in Tumorum ablatione commendavimus, ea maximè cultello præstari certum est, contra-ria verò cauterio inveni.

I V.

Q UID enim Cultello chirurgico tutius aut commodius? Cauterio quid magis inopportu-num intutumve? Cultello, si præsertim manu prudentiæ non experte gubernetur, non alia cæduntur partes, quàm quæ cædi debent, omnes verò possunt excidi, quæ sunt exciden-dæ. Cauterio non item. Vel enim sub pulveris formâ, inspergitur, vel apponitur unguento mixtum, vel aquoso aliquo vehiculo dilutum. Quoquo autem modo usurpetur, ut ut dextrè id fiat, præcaveri nunquàm potest quin hanc vel illam partem, aut acutiùs, aut moderatiùs comburat, prout molliorem invenerit aut solidiorem. Hinc quoque, vel indè devagari potest, eaque rodere quæ integra manere debuissent, intacta verò relinquere quæ forent consumen-da. Sunt etiam nonnullæ Tumorum partes quarum ne vel minimam superesse multùm inter-est, sacculos puta occallatos, vel ipsas Cancrorum radices. In eas, quoniam nullum ferè ha-bent cum sanguinis circuitu commercium, irrita planè est vis Cauterii. Vol ellâ è contra, vel digitis prehensæ, Cultelli opera, levi prorsus negotio, superantur. Deindè præcaveri nun-quàm potest quin Cauterio penitus destruatur cutis, at Scalpello faciliè servari potest, siqui-dem cruciatim, aut quovis alio modo inciditur, extremis digitis postea superantur anguli vulneris fundo, post sublatum Tumorem, si visum fuerit, aptandi. Tertio si vel eò nimiam in operando celeritatem, imperitiam, vel *anomaliam* vasorum, quam vaticinari fas non est, distributionem, arteria & vena non spernendæ magnitudinis aperta fuerit, illicò, nihilò ob-stante ligari potest. Scalpello enim incisa, statim apparet, nec ante crispatur quàm possit filo constringi, imò, sanguine ubertim erumpente, statim ipsa se prodit. At multò lentius cum Cauterio proceditur, quod, ut possit agere, per tempus aliquod sinendum est, interea si quod vas erosum fuerit, molestè vellicatum, in carnes morâ non mediocriter juvante, re-conditur. Ferro tandem (modò cæsîm, non verò punctîm id fiat) multò minori periculo, quàm caustico, tendones, nervi, membranæ vulnerantur, quæ tûtò, & quandòque datâ operâ omninò refecantur. Ex Caustici autem molesto & dolorifico morîu funestissima, qualia jam diximus, cientur symptomata.

V.

E X eo quod læsa Caustico arteria statim stringatur, atque retrahatur in carnes, verum est cohiberi sanguinem, sed ad breve tempus: Nam ubi primùm remisit astringens Cauterii vis, sanguis eò majori pertinaciâ effluit, quò deligandæ arteriæ non amplius detur occasio. Facile tamen concesserimus, per Cauterium minimis saltem in vasculis, subitanæ & dura-bilem esse sanguinis cohibitionem. Sed exindè Cultri utilitas magis elucet; siquidem ex vulnere, per ipsum inflicto, manat sanguinis sufficiens quantitas, quâ præveritur inflammatio, quæ semper, appposito caustico, nimia consequi solet, ob id imprimis, quòd sanguis nullus effluxerit. Frustra quoque opposuerit aliquis dolorem esse mitiorem ex Caustico quàm ex Cul-tro. Illud accidit solum quibusdam in Tumoribus, Fungis forsitan, qui naturâ suâ parîm sen-

(1) D. Astruc, de morb. Vener.

tiunt. Sed cæteris in casibus, præterquamquod non minus molesta sunt caustica quam Ferrum, id habent insuper incommodi, quod unicâ vice, quemadmodum Culter, Tumores, maximè molis amplioris, delere non valeant. Sed multoties apponi debent, quâ quidem repetitâ appositione, dolores jam sævitiâ æquales, multò diuturniores evadunt. Ad hæc frequentiore Cautisticorum usu, tumores benigni in *Scirrhus*, *Scirrh*i in Cancros immutantur. Partes Caustici, cujuscumque sit speciei, per apertas vulneris venas receptæ in sanguinem, venenatam ipsi qualitatem inducunt, *Arsenicalia* præsertim, quibus semel tantum applicatis, plurimi convulsi fato occubere. Unum postremò observabimus circa eos Tumores qui versis radicem quasi in collum arctantur. In iis quæ collum pertranseunt vasa exiliora sunt, crassissima verò & varicosa quæ in Tumoris molem disperguntur. His ergo apertis, difficiles oriuntur hæmorrhagiæ, quæ quidem, si Caustica adhibeantur, vitari nequeunt: quippè cum iis, vulgò à Tumoris mole, ad radices pergendo, iteratis vicibus proceditur; at si culter adhibeatur, statim à radicibus Tumor potest excidi.

Ergo qui Tumores deleri debent, Ferro potius, quàm Cauterio potentiâ, delendi.

DOMINI DOCTORES DISPUTATURI.

M. Cosma-Augustinus LÉZURIER.

M. Cesar COSTE.

M. Carolus - Franciscus BOUTIGNY DESPREAUX.

M. Nicolaus JEANROY, Bibliothecæ Facultatis Præfatus, Regii Medicorum Collegii Nanceianorum Socius Honorarius.

M. Petrus Joannes-Claudius MAUDUYT DE LA VARENNE.

M. Petrus DE LA LOUETTE.

M. Achilles-Guillelmus LE BEGUE DE PRESLE.

M. Stephanus GROSSEN DUHAUME, Chirurgiæ Gallicæ idiomatice Professor designatus.

M. Petrus-Josephus MACQUER, Regiæ Scientiarum Academiæ Socius, in Horto Regio Chemiæ Professor, necnon è Regiâ Societate Medicâ Parisiensi pro Epidemiâ institutâ, & Censor Regius.

Proponebat Parisiis, TUSSANUS-CLAUDIUS-NICOLAUS NAVIER, Catalaunus, Doctor Medicus Remensis, nec-non Saluberrimæ Facultatis Medicinæ Parisiensis Baccalaureus Medicus. A. R. S. H. 1778. A SEXTA AD MERIDIEM.